

05 熱天的幸福

曾菁怡

我讀國小的時，若挂著歇熱，擺會佢小弟轉去庄跤佢阿公、阿媽蹠，一寡叔伯兄弟、姊妹嘛擺會轉來。規陣因仔絞做伙，是鬧熱滾滾。七、八月仔，挂好是稻仔當欲收成。逐工透早，阮阿媽就愛去稻埕共炭粟仔的布篷掀開，用耙拂共粟仔一逝一逝耙予齊。挂開始是耙予尖尖，等日頭曝一站仔，就愛閣擰耙拂共尖尖的粟仔耙予平平平，予日頭繼續曝。就按呢，一下仔耙尖尖、一下仔耙平平，對日頭出來，曝到日頭落山，阿媽擺佇遐無閒這件代誌。

彼陣，阮這陣因仔猶閣細漢，無法度共阿媽鬥相共，大人的稽頭閣濟，嘛無閒工來共阮看顧，所以，大人是無閒甲汗水涵涵滴，阮是要甲四界砵砵從。拈田嬰、掠蟬仔、撈魚仔、覘相揣……齣頭實在有夠濟，干焦食點心的時間才會瀟倚來。阿媽擺講我是「好鼻師」，佢位有通食，就會看著我。無法度，食點心對我來講是上重要的代誌。

我會記得阿媽上捷攢的點心是米篩目、仙草、菓薙佢冰甲透心涼的糖水。阿媽會共遮的點心園佇米籬內底，用扁擔擔去田裡，通予作稽的人食。阿媽行佇頭前，我就綴佇伊的尻川後，順繼去食點心。我上愛食的點心是米篩目摻冰糖水。飯嗲嗲的米篩目食會著阿媽對我的疼惜佢慈

愛；冰涼的糖水就親像阿媽對我的愛護，共熱天的刺疫趕甲離離離。我一碗食了閣一碗，阿媽是看甲喙笑目笑，點心敢若攢是刁工為我攢的。

讀國中了後，學校課業較重，逐工就愛讀冊佢準備考試，轉去庄跤歇熱，敢若是足久以前的代誌矣。自彼個時陣開始，阿媽對我的關心，不時就會對電話線彼引傳過來。伊毋但關心我的課業，閣吩咐我迢迢愛細膩、三頓愛食予飽。每一句的關懷，擺予我喉滇目箍紅，足向望家已有一對翼仔，會當隨時飛去阿媽的身軀邊，親像細漢的時，予阿媽攬牢牢，聽伊講古拍拈涼。

阿媽的愛，是我熱天的幸福。

07 阮兜這條街

紀春綢

阮兜這條街敢若是三个無仝的世界仝款，街仔頭是店面，中段是倚家，街仔尾是公園。無論是食的、穿的、用的、做議量的，遮攏總有。阮兜就蹠佇遮，逐工出出入入的這條街。

阮兜這條街，逐工上早精神的是街仔尾的公園。天拍殍光，就有厝邊隔壁的阿公、阿媽，街頭巷尾的阿伯、阿姆，有熟似的，嘛有生份的。有的咧運動，有的咧開講、拍拊涼。這個時陣，囡仔閣覘佇棉襪被裡咧眠夢。

這條街上早開門做生理的是臺灣式的豆奶店恰西洋式的早頓店，聽講豆奶店佇半暝仔就愛開始攢材料。煮豆奶的大口鼎，燒煙陣陣嗆懸，等待透早起來運動的人客，個上愛食這種古早味的豆奶配油炸粿。這種物件，少年的恰囡仔食袂慣勢啦，個愛食麰¹配牛奶才合味。人講：「早頓食飽，中晝食巧，暗頓半枵飽。」所以天一下光，就佇遮充電，充甲飽飽飽，予規工充滿活力。

你若行入這條街，會看著一間郵便局予人寄批恰儉錢，有影真利便。服裝店的衫對紅嬰仔賣到做阿祖攏總有，嘛有予阿母嬌噹噹的電頭毛店；予阿爸緣投的剃頭店，閣有花店、藥房、咖啡店……等等，真濟無仝的店面。上心

適的是若行佇正手𠵼的亭仔跤，擲頭就會看著鳥仔岫，內底的燕仔嘛恰阮仝款，蹠佇這條街。

我上擋袂牢的是麰店。逐工放學的時，拄好是麰出爐的時間，芳 kòng-kòng、kòng-kòng 芳，啞我吞嚙瀾。所以阿母予我的四秀仔錢，我規工攏毋甘用，共伊儉起來買麰。

我上捷去的是便利商店，因為阿母煮食的時，若是欠鹽、欠糖，就隨喝我去買。阿媽講的就無仝矣，阿媽講：「你去二四小時的簍仔店，替我買物件。」對這句話就知影，這條街是有歷史的喔。

阮兜三代人佇這條街行踏，算算咧嘛有半世紀矣，予人的感覺是交通便利袂稀微，食、穿、日用攏四序，倚家安全好厝邊，值得呵咾人情味。

¹麰(pháng)